



中州集姓氏總目

第六卷

馮內翰璧一十五首

王內翰若虛三十八首

麻徵君九疇二十九首

劉御史從益三十三首

宋內翰九嘉十首

雷御史淵三十首

李右司獻能二十首

王右司渥素十一首首

冀都事禹錫二首三首

和

五

中州集卷第六姓氏摠

終

中州集目錄

第六卷

馮內翰壁一十五首

同裕之再過會善有懷希顏

和希顏雷洪送國醫儀師顏企賢

不得請歸關中次朝賢韻

河山形勝圖希山雜帥覓蘭作詩以寄

明皇擊梧桐圖 送人出使烹茶圖

習池醉歸圖

東坡海南烹茶圖

陰晦中忽見華山

草堂春莫橫披

元光間予在上龍潭每春秋二仲月往往

與元雷游麻嵩少諸藍禪師汴公方事

叅訪每相遇輒揮毫賦詩以道閒適之

樂今猶夢寐見之兒子渭近以公故抵

任城禪師附寄詩以叙疇昔未幾駐錫

東菴因造謁間出示裕之數詩醉筆縱

橫亦畧道嵩遊舊事感歎之餘漫賦長

句二首

雨後看竝玉所控諸
峰 同希顏怪松

王內翰若虛 三十一首

攄憤 贈王士衡

貧士歎 感秋

生日自祝 失子

憶之純三首 復寄二首

病中二首

感懷二首

自笑

別家

慵夫自號

西城賞蓮呈晦之

題淵明歸去來圖五首

王士禛

翰長閒閒公命題城南訪道圖戲作二詩

且為解之云

答鄭下辨禪師見戲代防禦高侯

還家五首

山谷於詩每與東坡

相抗門人親黨遂有言文首東坡論詩
右山谷之語今之學者亦多以為然漫
賦四詩為商畧之云

王內翰子端詩近來陡覺無佳思縱有詩

不成似樂天其小樂天其矣漫賦三詩為

白傅解嘲

夏百

麻徵君九疇

二十九首

賦伯玉透光鏡
跋范寬秦川圖

松筩同希顏欽并裕之賦

竹癭冠為李道人賦

彈琴懷山中人

夏日

牛歎

清明

算春山家二首

手植檜印章

贈裕之

秋懷

和伯玉食蒿醬韻

復次韻二首

元裕之以山遊見招兼以詩四首為寄因

以山中之意仍其韻四首

許方邨即事

跋伯玉命簡之臨米元章楚山圖

秋雨小霽湖陽道中

秋望

窪俳優

李道人家山圖

李道人嵩陽歸隱圖

陽夏何正卿作疊語四句未成章予復以

題疊語寄之凡四變文向未成章予與公

紅梅入嵩山圖

劉御史從益 三十三首

題蘇李合画淵明濯足圖

過尉氏懷阮籍並中汎舟回瀾亭坐中作

樂山松命簡之語次和淵明雜詩二首

和淵明始春懷田舍

和淵明飲酒韻次其臘日次幽居韻

歲除夕次東坡守歲韻

次韻別歲

次韻餽歲

清明即事用前韻 五月十四夜對月有

間感用更刻韻

再過郾城示伯玉知

題幾山次美士次韻閒閒公夢歸

題閒閒公夢歸詩後用并通韻

送儀提點西歸並次再賡

次韻李公度林且休題無盡歲

三弟手植瓢材且有詩予亦戲作

次韻三弟贈南庵老人

次韻劉少宣

過洧川次侯生君澤韻

聞菴用少陵韻 除夕用少陵韻

即事 宋樓道中

過武丁廟 戲答侯威卿覓墨

北園

宋內翰九嘉 一十一首

途中書事三首 館中納涼書事

東州有感 搗金明砦作建除體

被檄從軍 留別孫俊民妣公茂

酴醿菊 蓮社圖

卯酒

雷御史淵 二十九首

雲卿父子有宛丘之行作二詩為餞

京外將拜埽於陳徵言為贈老嬾慶學茫
無所得獨記其與屏山雲卿襟期所在
者非以為詩也 同裕之欽外分韻得

莫論二字

會善寺松

玉華山中同裕之分韻送欽外得埽字

九日登少室絕頂同裕之分韻得蘿字

月下同飛伯觀畦丁灌園得畦字

濟南珍珠泉

讀孔北海傳

賦侯相公雲溪

贈陳司諫正外

濟南汎舟水底見山有感而作

洛陽同裕之欽外賦

啓母石同裕之賦 贈答麻信之

雪

宮鴉

洮石硯

馬上見桃花

外獻兄埽隱崧山有詩見及依韻奉寄

劉御史雲卿挽詞二首

題黃華江臯烟樹二首

送李執剛致仕歸洛

梨花得紅字

河山形勝圖

次裕之韻兼及玄景弟

愛詩李道人若愚崧陽歸隱圖

李右司獻能

二十首

贈王飛伯雜言一首

夜宿虛皇閣下

玉華谷同希顏裕之

分韻得秋字

四皓圖

二老雪行圖二首

別馮駕之

昆陽元夜南寺小集

追憶穎亭汎舟寄陽翟諸友

郊城秋夜懷李仁卿

題飛伯詩囊飛伯以布為囊采當世名卿

詩投其中

送王飛伯歸陽翟

西園春日

滎陽古城登覽寄裕

之

從獵口號四首

上清宮梅同座主閒閒公賦

丹陽觀竹宮中移賜

王右司渥 十一首

穎亭

有寄

寄京父

餐秀軒

遊藍田

送裕之還嵩山

附古仙人辭

遊丹霞下院同裕之

鼎玉分得留字

驛口橋看白蓮

蒙城縣齋

三門津

被檄再至揚州制司驛亭有題詩譏予和

事不成者云來往二年無一事青山也

解笑行人因為解嘲

冀都事禹錫 二首

僧房

贈雷御史兼及松庵

馬丈

隱文

讀書記

讀書

讀書

讀書

讀書

中州集卷第六目錄終

中州集卷第六

已集

馮內翰壁 一十五首

壁字叔獻別字天粹永安二年進士歷州縣召入翰林再為曹郎宣宗朝屢以使指鞫大獄權貴如歸德知府宿州總帥聲勢焯焯朝廷知其跋扈而不能摧伏者叔獻以法臨之毛髮不貸也幼有重名就所長論之館閣臺諫與賓客言乃其選也徒以

小心奉法不畏疆禦故屢以城旦書屈之
識者有用違其長之歎興定末以同知集
慶軍節度使事致仕居崧山龍潭者十餘
年諸生從之游與四方問遺者不絕賦詩
飲酒放浪山水間人望以爲神仙焉山中
多蘭每中春作華山僧野客人持數本詣
公以香韻高絕爲勝少劣則有罰謂之鬪
蘭所釀松醪東坡所謂歎幽姿之獨高者

惟叔獻能盡之客有以京國名酒來與之
技者味殊不能近正如深山草衣木食人
語覺傭兒販夫塵土氣爲不可嚮也是後
松醪鬪蘭遂爲山中故事叔獻少日在太
學賦聲籍甚其學長於春秋詩筆清峻似
其爲人字畫楚楚有魏晉間風氣雅爲閑
閑公所激賞制誥典麗當代少見其比尺
牘又其專門之學風流蘊藉不減前世宋

景文左丞董公紹祖奉使江左得其詩餞
 行喜見顏間詩四韻每誦一句輒為一舉
 觴李右司之純談笑此世為不足玩見叔
 獻則必為之懽然王延州從之公於鑒裁
 為海內稱首敬其名德至不敢以同年生

數之北渡還鄉里年七十九終于家

墓碑云所

貴於君子者三曰氣曰量曰品有所克之
 謂氣有所受之謂量氣與量備而才行不
 與存焉本乎才行氣量而絕出乎才行氣
 量之上之謂品品之所在不風岸而峻不

表傑而著不名位而重不耆艾而尊是故
 為天地之美器造物者靳固之不輕以予
 人閱百千萬人之眾歷數十百年之久乃
 一二見之同乎其時非無孤雋偉傑之士
 從容於禮文之域角逐乎功名之地唯其
 俗不可以為雅劣不可以為勝故自視缺
 然陳太丘事業無聞而名重天下房次律
 坐鎮雅俗而舉世以王佐許之施之當時
 未必適用然千載而下有為之歛衽者非
 品何以得之元光正大以來天下大夫士
 論公平生者蓋如此子渭字清甫以門資叙仕為密
 院機察清慎而文天下有馮孝子之目今

居鎮陽

同裕之再過會善有懷希顏

寺元魏離宮十日來
凡雨前與髯卿偕齋奠少林
往其時已薄暮諸勝不暇訪
今同魏諸孫再到風烟上
寺僧導升殿雄深肅瞻仰
柱礎門限砧追琢成大壯
不見磨琢痕瑩滑明滉朗
摩挲三歎息後世無此匠
晚登西南亭碧玉對千丈
如玉官天柱如太華仙掌
留宿贊公房秀色夢餘想
夜靜耿不眠泉溜琴筑響
惜髯今不來聯詩共清賞

和希顏

虎守天門未易通
庾塵無扇障西風
主人何負盜憎王
公論不明私害公
老伏固非千里驥
冥飛似是五噫鴻
紛紛往事渠知幾
都付崧巔一笑中

送國醫儀師顏企賢得請歸關中次朝賢韻

心平窮富恐欺天
面有陰功蓋有年
歸去青山仁者樂
祕來丹訣老而傳
尚醫冗食渠百輩
公論共推君十全
技道精微仍遠引
就非輕舉亦幾仙

千里驥非有人名
驥者也恐亦不可
借對

河山形勝圖

書劍丁年記昔游中條之麓過蒲州地形西控三
秦遠河勢南吞二華秋晉魏兵爭一春夢漢唐壇
祀幾荒丘披圖弔古今人慨不必重登鶴雀樓
雒帥覓蘭作詩以寄

雲插高牙画戟森春移寶檻燕堂深水南紅藥初
退含嵩麓紫蘭今嗣音爾足頽肩坐香累高梁華
棟豈渠心使君有問花應語玉樹誠佳非故林

明皇擊梧桐圖

三郎耳譜趁花奴風調才情信有餘天寶錯來非
一拍霓裳中節亦區區

送人出使

陽春有脚蘇疲瘵水鏡無心照潔汗九道澄清天
意切人才一一似君無

習池醉婦圖

襄漢方屯十萬兵習池日往不曾醒紛紛悞晉皆

渠輩何獨王家一寧馨

東坡海南烹茶圖

講筵分賜密雲龍春夢分明覺亦空地惡九鑽黎

洞火天游兩腋玉川風

陰晦中忽見華山

吏部能開衡嶽雲坡仙曾借海宮春蓮峯清曉慙

自獻二公何人予何人

草堂春草橫披

遷客倚樓家萬里五陵飛鞚酒千金草堂澹與春

山對幽鳥一聲春已深

元光間予在上龍潭每春秋二仲月往往與

元雷游歷嵩少諸藍禪師汴公方事叅訪每

相遇輒揮毫賦詩以道閒適之樂今猶夢寐

見之兒子渭近以公故抵任城禪師附寄詩

以叙疇昔未幾駐錫東菴因造謁間出示裕

之數詩醉筆縱橫亦畧道嵩遊舊事感歎之

餘漫賦長句二首

性理諸方已徧參
歸來一錫駐東菴
山中蓮社舊招隱
旅舍阿戎新對談
詩筆如君僧有幾
文章媿我老無堪
綾書大字拈香疏
須趁微之酒半酣

又

少林俯竹欬天叅
竹外幽閒草結庵
願我雖存惟白髮
與君曾此共玄談
干戈橫絕境猶夢
草樹荒殘人豈堪
臍甕春醪髯莫預
商歌悲壯不能酣

雨後看竝玉所控諸峯

鍊句少工夫

竝玉如高人壁立
九千仞一日不見之
令人生鄙吝
春深木葉敷秀色
益濡潤結茅寄僧
藍晴碧時得趣
老宿詫孫峯隅
侍到齧齧連延
青一色枚數須諦
認溟濛空翠間
我亦疑未信朝來
雲氣昏埋沒
瑜匿瑾如蒼梧
政愁湘妃鬱思
舜重陰俄解馭
靈澗夕暉襯娟
娟忽層出歷歷
分遠近雲峰互
吞吐千狀纔一
瞬出奇如孫吳
相降如蕙蘭如
衆星

瑾瑜匿瑕瑾瑜不相匿也
上聯雖有雲字然蒼梧正愁成何語耶

拱辰如侯伯入覲接武如夙簪承迎如价償負固
 如吳楚爭長如齊晉恠詭如夷蠻駢羅貢琛贐窘
 感如擒獲係纍將就纍如應龍神靈蟄卧時奮迅
 如天駟超軼坳牧稅羈鞞如雄對改容失箸馭疾
 震如猛士無譁攢槩俟嚴陣獨兩峰巍然魁傑儼
 崇峻光輔岳柱天鬱為中興鎮降生申與甫周室
 債復振詩傳配崧高百世磨不磷

同希顏恠松

崧高地氣靈花木竟妍秀玉峰西南趾有松獨恠
 陋偃蹇如蟠螭奮迅如攫獸葉勁須髯張皮古鱗
 甲皴菌蠢藤瘦怒支離筇節瘦月上虬影搖風度
 雨聲驟子落慰枯禪枝樛礙飛馳盤根萬乘器平
 盖千歲壽樵斤幸免尋厦匠矧肯構龍仁會有時
 天旱期汝救

王内翰若虛

三十八首

若虛字從之橐城人承安二年經義進士

少日師其舅周德卿及劉正甫得其論議
爲多博學強記誦古詩至萬餘首他文稱
是善持論李屏山杯酒間談辯鋒起時人
莫能抗從之能以三數語窒之使噤不得
語其爲名流所推服類此釋褐鄜州錄事
歷門山令入翰林自應奉轉直學士居冷
局十五年崔立之變群小獻諂爲立起功
德碑以都堂命名從之從之外若遜辭而

實欲以死守之時議稱焉北渡後居鄉里
癸卯三月東游與劉文季輩登泰山憩於
黃峴峯之萃美亭談笑而化時年七十從
之天資樂易負海內重名而不立崖岍雖
小書生登其門亦折行輩友之滑稽多智
而以雅重自持謀事詳審出人意外謂
從之於中外繁劇無不堪任直以投閒置
散故百不一試耳自從之沒經學史學文

章人物公論遂絕不知承平百年之後當復有斯人否也子恕字寬夫

攄憤

非存驕蹇心非徼正直譽浩然方寸間自有太高處平生少諧合舉足逢怨怒禮義初不愆謗訕亦奚顧孔子自知名桓魋非所懼孟軻本不逢豈為臧氏沮天命有窮達人情私好惡以此常泰然不作身外慮

贈王士衡

體源出自白公

王生非狂者乃以善哭稱每至欲悲時不聞醉與醒音詞初惻愴涕泗隨縱橫問之無所言坐客笑且驚王生不暇卹若出諸其誠嗟陀與生友此意猶未明絲深動墨悲麟亡傷孔情韓哀峻嶺陟阮感窮途行涕流賈太傅音抗唐衢生古來笑者多其笑非無名生其偶然歟何苦摧形神如其果有為為爾同發聲

貧士歎

甌無塵瓶無粟北風蕭蕭吹破屋入門四顧何淒涼
 稚子低眉老妻笑世無魯子敬郭元振之真丈夫
 故應餓死填坑谷蒼天生我亦何意蓋世虛名食
 不足爭如只使冗且愚大腹便便飽梁肉

感秋

西風撼庭柯疎葉鳴榮榮天地一蕭條羈懷亦岑
 寂青春恍如昨轉盼年半百自從長大來轉覺日

結得疎散無
 感秋意

月迫功名非所慕老大不足恆怛然感時心自亦
 不能釋清晨理短髮已見數莖白刀鐸雖可施殆
 似兒子劇此身委蛻耳毀棄無足惜况於毛髮間
 而乃強脩飾青青如陸展星星行復出畢竟白滿
 頭復將何所摘

生日自祝

空囊無一錢羸軀兼百疾况味何蕭條生意渾欲
 失清晨聞喧呼親舊作生日我初未免俗隨分略

脩飾舉觴聊自祝。醉語盡情實。神仙恐無從。富貴安可必。脩短卒同歸。何足喜與戚。一祈麓康強。二願早閒適。衣食無大望。但願了晨夕。萬事不我撓。一心常自得。優游終吾身。志願從此畢。

失子

妍妍掌中兒。捨我一何遽。其來誰使之。而復奄然去。平生三舉子。隨滅如朝露。願我能無悲。其如有天數。自從學道來。衆苦頗易度。有後固所期。誠無

亦何懼。人生得清安。政以累輕故。婚娶眼前勞。託遺身後慮。百年曾幾何。爲此離稚悞。願語長號妻。此理亦應諭。

憶之純三首 五言 渾厚 完好

幼歲求真契。中年得偉人。傾懷當一面。投分許終身。燈火談玄夜。鬢花逐勝春。何時重一笑。曾次欲生塵。

面目三年隔。音書萬里遙。宦途俱蹭蹬。日事各蕭條。
 志大謀常拙。身孤道易消。本無當世用。隱處會相招。
 雋氣輕天下。高情到古人。銜杯曼卿放。下筆老坡神。
 時論誰優劣。人材自屈伸。窮愁須理遣。不必淚沾巾。

復寄二首

志大言高與世違。拂衣真作竹林歸。黃塵道口風波惡。未必先生自處非。

又

自笑趨塵亦強顏。食謀未免敢言閒。紫芝果可充飢腹。從子玉屏巖石間。

病中二首

學道今何得。謀生久不成。藍衫幾棄物。絳帳亦虛名。事拙應天意。交疎即世情。煩憂時自解。感觸又

還生。出處之意。及報明世。謝與和。自稱。人
 學。又向。書。玉。及。不。必。盡。以。其。事。於。世。也。
 鬱鬱窮愁意。營營以病身。詩情渾欲減。藥物但相
 親。未得驅窮鬼。終須問大鈞。三時勞慰拊。甚愧故
 人真。

感懷

枉却全家仰此身。書生那是治生人。百憂耿耿填
 胸臆。強作歡顏慰老親。

自笑

酒得數杯還已足。詩過兩韻不能神。何須豪逸攀
 時傑。我自世間隨分人。二篇若為余道

列家

到了身安是本圖。何須身外覓浮虛。誰能置我無
 飢地。却把微官乞與渠。
近日陝西捐米得官許得頂改士大夫間多為此言

慵夫自號

身世飄然一瞬間。更將辛苦送朱顏。時人莫笑慵

夫拙差比時人得少閒

西城賞蓮呈晦之

晦之自號放公

舊賞回頭已隔年
高花又見出新妍
偶成濁酒狂歌會
恰及斜風細雨天
樂事適來偏有興
閒身常得分無緣
作詩莫恠多誇語
差比放公先着鞭

題淵明歸去來圖五首

此下皆中年所作

靖節迷途尚爾賒
苦將覺悟向人誇
此心若識真歸處
豈必田園始是家

孤雲出岫算鴻飛
去住悠然兩不疑
我自欲歸歸便了
何須更說世相遺

又

拋却微官百自由
應無一事挂心頭
銷憂更藉琴書力
借問先生有底憂

又

得時草木竟欣榮
頗為行休惜此生
乘化樂天知

浪語看君於世未忘情
名利醉心濃似酒貪夫
袞袞死紅塵折腰不樂翻

又

然去此老猶為千載人
翰長閒閒公命題城南訪道圖戲作二詩且

為解之云
得道由來不必勞瘼兒舍又謾逋逃閒閒老子還

多事時向招提打一遭

又
竹木蕭森蔭綠苔幽襟自愛北軒開
主人無說吾何問乘興而來興盡迴

又

答鄭下辨禪師見戲代防禦高侯
酒肆淫房總道場偶然游戲亦何妨
阿師自隋泥牛趣更笑春風柳絮狂

還家五首

日日他鄉恨不歸
歸來老淚更沾衣
傷心何啻遠

及古

及古

東鶴不但人非物亦非
荒陂依約認田園
松菊存亡不足論
我自無心更

又

懷土不妨猶有未招魂
又

又

山杏溪桃仁棘榛
舞臺歌榭隨灰塵
春來底事堪行處
門外流鶯枉喚人

又

回思夢裏繁華事
幸及當年樂此身
閒立斜陽看兒戲
憐渠虛作太平人

又

艱危嘗盡鬢成絲
轉覺謹譁不可期
幾度哀歌仰天問
何如還我未生時

謹譁字疑

山谷於詩每與東坡相抗
門人親黨遂有言

文首東坡論詩亂語在山谷之語
今之學者亦多

以為然漫賦四詩為商畧之云

絕足由來不可追汗流餘子費奔馳誰言直待南

遷後始是江西不幸時山谷之語今人學之亦多

又山谷詩每與東坡詩不同人驟覺其不同

信手拈來世已驚三江袞袞筆頭傾莫將險語誇

勅敵公自無心與物爭筆翰不吐其氣又無下

又

戲論誰知出至公江蠟非蚌信美恐生風奪胎換骨何

多樣都在先生一笑中論詩願下涪翁拜未作江西社裏人後之蓋已發其端矣

又

文章自得方為貴衣鉢相傳豈是真已覺祖師低

一著紛紛嗣法更何人

王內翰子端詩近來陡覺無佳思縱有詩成

似樂天其小樂天甚矣漫賦三詩為白傅解

戲嘲山谷詩每與東坡詩不同人驟覺其不同

功夫費盡謾窮年病入膏肓豈易鐫寄語雪溪王

處士恐若猶是管窺天

蘇文公詩曰嘗讀天

東塗西抹鬪新妍。時世梳粧亦可憐。人物世衰如

鼠尾。後生未可議前賢。名論可慨

又

妙理宜人入肺肝。麻姑搔背豈勝鞭。世間筆墨成

何事。此老胸中自一天。正是詩好却不必論胸中

麻徵君九疇二十九首

九疇字知幾。莫州人。三歲識字。七歲能草

書。作大字有及數尺者。故所至有神童之

目。章廟召見。問汝入宮殿中亦懼怯否。對

曰。君臣父子也。子寧懼父耶。上大奇之。弱

冠任太學。有聲場屋間。南渡後讀書北陽

山中。其詩云讀書空山裏。落月低巖幽山

鬼語夜半惟我非。巢由又云壯士半凋落。鐵花始以古學自力博通五經於易

春秋為尤長。少時有惡疾。就道士學服氣

數年疾遂平。又從宛丘張子和學醫。子和

金史方技傳張
從政字子和
縣考城人

以為能得其不傳之妙大率知幾於學也
 專故所得者深飢寒勞苦人所不能堪者
 處之怡然不以累其業也嘗為郾城張伯
 玉賦透光鏡欽此傳之京師趙禮部大加
 賞異貼壁間坐卧讀之興定末府試經義
 第一詞賦第二省試亦然簾試以脫悞下
 第知幾先有才名又連中甲選天下想望
 風采雖牛童馬走亦能道麻九疇姓名正

金史本傳正大
 初門人王說王采
 苓俱中第上以
 其年幼怪而問
 之乃知常師九
 疇侯擊趙東
 又連章薦特賜
 進士第

大三年右相侯蕭公趙禮部連章薦知幾
 可試館職乃賜盧亞榜第二甲第一人及
 第授太祝權太常博士應奉翰林文字知
 幾天資野逸高騫自便與人交一語不相入
 則逕去不返顧自度終不能與世合未幾

謝病去作詩工於賦物如夏英公篆韻其
 詩

云千狀萬態了不同笑鬼獮神自茲始簡
 如危義地上畫繁如神農日中市圓如有
 娥乙鳥卵方如姜嫄巨人履傾如怒觸不
 周山邈如逆上蠶叢水積如女媧石未煉

碎如昆吾瓦經毀蚩尤旗張尾後曲黃帝
鼎成足下峙五丈專車斷禹戈九日橫天
落羿矢流蔡不去龍垂髯銜書忽來鳳挽
蘇方相回目關門關夔牛一脰踔階虬貌
似心猜未必然賴及手植檜印章等詩可
君注釋車南指

見也字畫正書八分皆有功詩最其所長
少時猶失持擇近詩精深峭刻似其為人
他文不及也明昌以來以神童稱者五人
太原常添壽四歲作詩云我有一卷經不
用筆寫成展開無一字晝夜放光明合河

劉茲文榮六歲有詩云鶯花新物態日月
老天公劉徵伯祥七歲被旨賦鳳皇來儀
新忌張漢臣世傑五六歲亦召入賦元妃

素羅扇画梅云前村消不得移向月中栽
其後常隱居不出餘三人者皆無可稱道
以自命獨知幾能自樹立一日名重天下耆舊如
和閒閒公且以徵君目之而不名也壬申歲
遇亂卒年五十平山常仲明之子德葬之

小商橋傍近趙莊

在金源為劉義馬異獨章程不到昔人

賦伯玉透光鏡

只起二聯賦透光未為極

太陰淪魄元不耀。太陽分光成二曜。嗚呼怪銅盜
 此幻。透影在壁與背肖。奩開燿燿光走庭。劃如剗
 犀乍脫鞞。泓澄秋落百丈潭。疑有龍向天門跳。秦
 娃漢婉化鴛土。寵雨恩雲埋鳳詔。當年樹塗鑑桃
 李。身後泉臺暎蓬藿。枕簟無情草木香。笙歌不暖
 梟狐嘯。鬪醜一醜不再妍。不知持此將安照。萬斛

珠璣委備人。喚得偷兒成鬼剽。借問金椎一控時。
 何如海上青蠅吊。壽如金石佳且好。此銘此篆兩
 奇峭。今誰子後曩誰先。贏得紐樞經蟻竅。千古繁
 華一夢醒。恍然入手稱神妙。丹砂口紫翠羽青。萬
 金難買人年少。君侯新自洛陽來。玉臺人物今温
 嶠。相看大笑古人癡。收鏡入奩還自笑。

跋范寬秦川圖

起結俱好

山水人傳范家筆。画史推尊為第一。竭來回看秦

疑有脫句

川圖天下丹青能事畢大山巖巖如國君小山鬱
鬱如陪臣大石盤盤社與稷小石落落士與民一
山一形似爭長一石一態如布軍想君胸中有全
秦見錄削錄錄乃真掌上長安近於日千樹萬樹
生青春憶昔岐山鳳皇語葱葱柞棫霑新雨昆夷
束手密須降不見功勳見歌舞黃金秦鑄牛西入熨
五丁雲棧通中國驪山宮闈九天高六處屏玉走
銜璧不信詩書信法家關東半被魚書惑漢盡卷圖

籍亦大好五十年兇都一掃章邯董翳舉如毛沐
猴冠委金陵道北原兵自天而下漢室傾頽如解
瓦祁山六出縱無功渭水猶堪飲君馬螭蟠老將
骨未朽草付符秦那能濟陽九枝癢投鞭抵歲星歸來
鹿死何人手神武高齊空矜賀六渾投機宇文周常落周人後
竟令馮翊軟沙邊東風一夜吹新柳侵尋阜角相
料理拋擲龍津浮汴水鷓頭過處已非隋唐不覺晉
陽人姓李華清高宴憂宮梧舞馬如何護兩都縱

得青騾還蜀道肉得沙場白骨無興亡自取不足

吁可憐神州為盜區貪微往古山川事忘却題詩

賞画图結白善救然宗以前人不為此詩外前中言

松筦同希顏欽叔裕之賦

犧尊青黃災木命羈絆剪剔傷馬性折松為筦得

之天此君幸免戕殘橫初象形似有代無不料奇

功乃差勝人間斤斧不須勞坐中活火鳴笙簫千

秋螿骨養霜雪一日奮鬣翻雲濤巖烟擊拂殷雷

起顛風蹴踏銀山高莫嫌勺水懦無力如捲三江

都一吸借汝歲寒姿扶我衰朽質埽除幻夢不到

眼洗刷埃霾下胸臆捫霞直與羨門期一笑桑田

海波白

竹癭冠為李道人賦

東方有物字豐隆以鳴為職驅群靜萬頭濺濺囚

凍窟欲出不出愁天公迴寒作暖出一噫黑帝不

敢藏昆蟲所以獨為六子長揮斥元氣周神功車

震為長男非六子之長也此句借用

轟鼓震頃萬里。六甲雲風隨喚起。四陰用事合收
 聲。猶奮狂陽鳴不已。號令非時遭物玩。草木不凋
 花再蕾。惱得司秋訴帝闈。漏泄機緘法當死。天公
 大恠下。桎梏推落車中。隴巖谷非程。非馬亦非人。
 化作蒼莨一枝竹。勁氣剛風難遽銷。夜間風雨猶
 蕭蕭。倚身直上三千尺。天公又恠干雲霄。鬼壑神
 縛不聽出。只見白雲鎖三日。雲散惟餘青屈盤。頤
 隱於臍。變仙質。道人真是萬物盜。斫取為冠就天

巧。秋霜爭敢上頭顱。常與春風同醉倒。此冠固奇
 惜未大。有冠獨在方之外。日月為藤織。四時煙霞
 為樺綿。千載天潢絕。漢梁虛碧。北斗旋衡簪。沆瀣
 不隨脂粉侶。俊獫不逐風霜陪。獬豸一任旋乾復
 轉坤。頭上峩峩終古在。欲作檀那施此冠。不識先
 生若為戴。

彈琴懷山中人

門前雪垂垂。室中理朱絲。手按十三徽。心飛天一

鷓鴣鳥名與後
 貌音義區以別
 矣豈校者之誤
 耶

涯故人渺何許萬里驚鴻飛試憑朱絲語一聲聲
 亦悲一彈雪欲落不應垂再彈雪正作只在此山中故人
 今憂樂我欲彈文王岐山雲渺茫我欲鼓曾子無
 田可耘耔道遠望不及千山復萬水思君復思君
 正恐須髯皤后夔若不來奈此宮商何春風早晚
 起百鳥喧庭柯時攜一尊酒為君奏雲和

夏日

亭柯碧合龍蛇影睡起輓轡鳴曉井一簾曉雨捲

不晴槐花滿地黃金冷屈指西風又到門相思團
 扇欲生塵何時萬戶垂楊裏高揖金鞭逢故人

一曲牛歎

誰憐宿料一生無身後仍遭金十奴帷蓋却教蒙
 狗馬不知何事負農夫有味

野里清明

村村榆火碧烟新拜掃歸來第四辰城裏看家多
 白髮遊春總是少年人

偷王建寒食家：出古城老人看屋
少年行與上二句又不貫

白雲暮春山家二首

山烟向晚白濛濛
人過梨花樹底風
一犬不鳴村徑黑
野燈孤起遠林中

詩又云可事負農夫

語闌壯氣欲消磨
奈此青燈永夜何
壁上取琴彈一曲
不知天外落銀河
未見山家暮春

蘇軾手植檜印章宜作古詩此便是西江惡體

梁折山摧入小成
日華留得寸暉明
不盈一握空

蟲篆未度斯文麓
姓名草木西周朝
有算圖書東

觀死猶生二千年
後司封紐未信
栽時出此情

贈裕之

向來三度見君詩
常望西山有所思
誰料并州天絕處
相逢梁苑雪消時
賢人樂古聲猶在
聲叟文高世豈知
只恐神嵩不留客
秦川如画渭如絲

秋懷

江山如畫初冠盡蒲柳無情宮殿秋亦用此韵者也

昨夜新涼御褐裘
一番節物弄清愁
月懸雙杵若

爲夜人在一隅偏覺秋敗葉只能驚画扇啼螿終
不到朱樓還鄉夢斷寒衾曉依舊雲山是蔡州

高世和伯玉食蒿醬韻

九尺東方生不如一侏儒飲啄各有程厚薄與生
俱文蒲及屈芟何乃淡以枯正如謝三旌甘心作
羊屠伊蒿本薪材豈足克庖厨薄雪草堂徑新霜
古城隅河南地差暖冬有不死蕪青來澗邊筍綠
入几上盃微香能侶菊小苦賢於茶酷烈變醞醢

薰醲破脂酥書生喜倒說食亦變精麤借問冰茶
者何如羔酒乎况爾蓼彼蕭蓬郊固其徒偶然躡
一等遠欲忘樵夫邇來歲頗飢太半殫在途攘肉
或至犬首丘不如狐命賤祇求死計窮文議逋尚
有紉袴兒朝夕食於株寧知埽野稗一飽不易圖
遂令人輕生不畏鎖與鉄如君有蒿醬猶是千金

軀

復次韻二首

借用過屠門六不
穩因上是實用也
然坡詩為韻所使
亦間有之

五臟太多可張頤託懼儒自非何曾家安得海陸
俱莊周幸有粟不至魚肆枯何勞夷門市下車朱
亥屠春韭與秋菘歲晚不供厨蒿腹不蒿目大方
果無隅為醬非負口猶勝范菜蕪豈無青精飯駐
顏炊一盂豈無菖蒲歌辟邪如神茶又豈無楸花
除瘟等酴酥蒿於數品中頗同武官簾數品雖異
饌置之醬可乎猶材各有施豈必皆吾徒公綽優
為老劣於滕大夫大抵食如士取之非一塗君詩

誌其味食經有董狐彼哉龜羹指斲棺終莫逋彼
哉萍藿手竟死珊瑚株寧如醬以蒿不出本草圖
蓋後人好奇一洗腥砧鉄為謝饒崇鬼渠今離我

軀

又 翌日又為履道所戲其意似欲
窮吾技并和前章書呈伯玉

菽可為炙啖博哉釋草儒奈何騷人詠不與蘭茝
俱青青發陳荻嫩豚稊生枯面柔似張禹氣冽如
申屠忽逢易牙口一日登君厨君兄昔在日作事

伯玉當是其從
子
不奈他韻脚
矣

太廉隅宦游三十年不治一室蕪嘗載米之郡政
如置水盂不義獲小珎棄之猶堇荼相對話終日
茗椀無鹽酥見客惟恐遲遇飯不擇簞無食但有
名窮不亦宜乎我本寒素士卧雪袁司徒臭味偶
相似豈是敦薄夫見君食蒿醬取嘲於仕途和君
蒿醬詩緼袍隨衣狐詩醬兩情苦此債無由逋蒿
荻無棄材奈此蒼松株何當列鉤甕一依饗禮圖
唯聞廣廷樂不見轅門鈇此日雖無醬猶堪養羸

軀

元裕之以山遊見招兼以詩四首為寄因以

南風山中之意仍其韻

石華政可採負我孤舟蓬胡為紅塵裏擾擾槐安
宮山間綠蘿月一照千巖空洪崖去不返清游誰
與同空餘松根泉雜佩流無窮人心隨泥滓不如
與天通舉頭視霄漢浩露洗心胸

日月兩角蝸天地一粒粟老盆可徑醉豈擇瓦與
 玉大笑區中人朱門巧梁肉清曉登少室日夕眺
 玉屋紫煙晞吾髮碧霞貯我腹溪中有白雲萬事
 付濯足物物愜幽情不獨蘭與菊

南風入桂樹高葉碧崢嶸舉手戲攀折上與雲煙
 撐黃金間白玉遍地先晶熒笙簫坐間發鸞鶴空
 中鳴浩歌山谷應起舞衣裳輕一尊石上酒如我

浩氣盈目送飛鴻盡青雲萬里平

又

國風久已熄如火不再然流為玉臺詠鉛粉嬌華
 年政須洗妖冶八駿踏芝田青苔明月露碧樹涼
 風天塵土一一盡象緯昭昭懸寂寥抱玉舞爭覓
 搖尾憐幸有元公子不為常語牽

許方邨即事

聯句

披熱達許方山巔青漫漫野黃麥初割畦綠蔬纔

灌春籬。翳葉深巷。樹春花亂。煙長見新冶。風遠聞清鍛。濯衣女在溪。販鐵人棲館。墻危壘破。石路黑沾遺。炭山雲頃刻。雨沙地須臾。曠鐸鳴。駕犢畊。罩密防雞散。縹餘殘繭。挂釣罷。么絲貫沽酒。有客賒鬻李。何人喚朴慙。官始威牒煩。民更玩歷險。小車多逢人。黷衣半縣遠。肉難求。山近寇可追。何當卜隱居。尋我杖藜伴。

中州集
梁山宮圖

梁山宮高高切雲。秦家簫鼓空中聞。宮殿作雲王作龍。何人敢謁瀉池君。珠圍翠繞窮天下。道上行人衣半赭。不覺生靈血液枯。化爲宮上鴛鴦瓦。朝盧生。莫侯生。師事二人學。兼門焉。知以政藏其身。神仙亦死。何曾神。空能詐取六孱國。不識盧生真。間客種成間隙。盧生去尚令道士作鬼語。祖龍竟隋此機中。以辭見欺。猶未悟魚腥。引得扛鼎來。梁山火滅。漢旗開。何如後世丹青手。一夫不役千樓。

臺梁山之圖却傳世梁山之宮安在哉
跋伯玉命簡之臨米元章楚山圖

巴東峽壁如駁霞天鑿荆門當虎牙下有奔湍沉
碧沙直衝北固如投家雲煙昏曉互明滅朝看沃
日暮吞月遠山如指近如拳過客那知空一瞥高
人廬此恨來晚不厭孤篷疊往返莫言造物好窮
人許大乾坤富君眼以心為鏡照諸山山如人面
紛殊顏扁舟日日青山上青山却在滄波間人道

扁舟日青山上
險而無味。此偷
玉花却在御榻
上榻上庭前吃

相向然何其工
拙之至懸絕也

癡兒固貪取我怪高人亦如許已將胸次衽長江
更把豪端扛巨楚薺列楓林葉浮舸巧促魁梧入
么麼丈尋收拾無邊春千里遊邀坐中我自此頭
吳尾甌越蠻烟五月髡人髮江山多處乃爾毒始
信中原天下甲楚山可覽不可上水氣昏昏且多
恙画山縱不到真山有楚之峯無楚瘴靜明居士
見山饒想在菴中得飽叅戲呼老李臨君画已坐
君貪我更貪

說壞楚山有何
趣味

秋雨小霽湖陽道中

一雨初晴菊瘁花朝來啼殺報晴鴉地隣異域空
懷古人對殘秋更憶家十月紅爐是明日往年新
火醉流霞恁恁又上湖陽道何處還堪駐客槎

秋望

雲氣東南壯風煙正北長遠人投屋小寒草帶城
荒馴鴨便秋潦飢牛背夕陽閒情儘堪画未要雨
浪浪

堂谿城南感寓

斷岸崩崖帶草長茂林高塹晚生涼田頭經水成
駒卧雲色回風變狗蒼戰地尚餘唐壘柵故城曾
入楚封疆牛童趁日貪捫蝨那解興亡事可傷

俳優

施能賣晉移君貳旃解譏秦救陸郎多少諫臣翻
獲罪却教若輩管興亡

李道人家山圖

見說高齋住太行溪山襟帶古祠堂
圭桐葉落周家雨鐵樹根盤晉國霜
烽火不堪畊夜月画圖猶可挂殘陽
自憐不及汾州鴈春去秋來過石梁

李道人嵩陽歸隱圖

城郭維崇井里維通冠蓋維錯紉綺維襲云誰之
子招子歸嵩舍我箏筑樂彼潺淙食彼瓦缶遺我
鼎鍾云誰之子繪子歸嵩離人友鹿避俗朋松石
啗我足泉瘦我隴吾恐時人笑子歸嵩有山有怪

有水有龍盜出寇沒嘯兇咻熊吾恐狂人誑子歸
嵩子謂我言決意歸嵩歸嵩何如如鴻避弋如鶴
脫籠與幻俱化與化俱融是以歸嵩南山重重翠
如植葱北山隆隆紺如堆銅仰嵩俛嵩雨濯雲烘
嵩之爲我我之爲嵩我聞子言衣如張風心先去
鳥層雲盪胸靜言思之富爲目嵩貴爲心蓬飾說
于今詎知任公歸嵩良是生龜脫筒子不歸嵩送
子歸嵩夏何五嶽於壘語曰未如章子歸嵩

陽夏何正卿作疊語四句未成章予復以疊
 語寄之凡四變文且主離韻前于不取高送
 緼緼蠢蠢何等民矯矯亢亢內守貞昂昂歲歲獨
 異俗落落莫莫不歡貧婦與婦與且餬口鳳兮鳳
 子德衰久樂云樂云無絃琴命乎命乎一杯酒匪
 鱸匪鮪故為歲避言避世必也狂至大至剛秣吾
 馬爰清爰淨俯我墻用之捨之時所係晉如摧如
 寧復計暖然淒然任春秋優哉游哉聊卒歲

紅梅

一種冰魂物已尤朱唇點注更風流歲寒未許東
 風管澹抹穠粧得自由

劉御史從益

三十三首

從益字雲卿南山翁撫之曾孫大安元年
 進士拜監察御史坐與當路者辨曲直得
 罪去以之起為葉縣令脩學講義禱善抑
 惡有古良吏之風葉劇邑也兵興以來戶

金史兵志元光
 末簽軍備潼關
 黃河諸使者歷
 縣邑自現居官
 外無文武小職
 事官皆充軍至
 許州前侍御史劉
 元規年九十六選
 為千戶至陳州劉
 從以前監察御

史亦為千戶餘不可悉記後知其不可用罷之余竊怪金源末造士之有知識者尚當一官不思知難而退及讀此乃知其不可言之隱且當時河北陝西未入蒙古者亦無非戰場山東盜賊逢起南鄙則宋人擾之惟京師未受兵半倚官以逃死耳自非高位重祿之不容繫律以出處進退常道也

丁丑五月書

減三之一田不毛者萬七千畝其歲入七萬石故在也雲卿請於大農為減一萬民賴之流亡歸者二千餘家未幾被召百姓詣臺乞留不聽入授應奉翰林文字踰月以疾卒時年四十四葉人間之以端午罷酒為位而笑且立石頌德以致哀思之心焉雲卿博學強記於經學有所得為文章長於詩五言古詩又其所長雷御史說雲

卿在太學時年甚少嘗有詩云黃金錯落雲間闕紅粉高低柳外墻時輩皆推服之其卒以詩得名者固已見於此矣

雲卿詩如荒烟

斜日村村晚衰柳寒蒲岸岸秋雨鄉番寓風驚面千里相望月滿襟子美不妨衣露肘長卿猶有賦凌雲春雪云千層寶樓閣一片玉山川臨終云壞壁秋燈挑夢破老梧寒雨滴愁生此類甚多不能悉載也有蓬門先生集行於

世二子初字京兆郁字文季俱有名於時

題蘇李合面淵明濯足圖画二相與並題

金史本傳京叔值金末喪亂作歸潛志以紀金事修金史者多採用焉

轉接自然

天機本自足人事或相須東坡画三昧迺與龍眠
 俱黃州富丘壑餘杭渺江湖已困口嘲弄更堪手
 糊塗其來本游戲所到非功夫平生斜川翁尚友
 千載餘可聞不可見風標定何如笑倩李居士爲
 予巧形模臨流想有詩滄浪元非漁不入聲利場
 政恐吾足汗二公有深意百年番此圖不著色塵
 相澹然如游天地初主人牢緘滕丹青有淪此不
 淪

過尉氏懷阮籍

朝來國門遊莫抵蓬池宿有懷阮步兵豪氣無檢
 束嘯歌陟高臺長風振林木老眼何曾青四海無
 一物萬古留詩名九原銷醉骨居然轉不亮方丈家惜也
 微瑕玉塗窮道不窮先生安用笑

汎舟回瀾亭坐中作

昔年醉回瀾猶恨身屬官今年邂逅來身與亭俱
 閒洗心亭下水照眼亭西山溪山如故人喜我復

來。還有酒澆我胸。有花怡我顏。鞞鷹乍脫臂。但覺
天地寬。山陰忽回舫。夜闌情未闌。

樂山松

樂山一何崇。上有千歲松。清孤月露底。秀拔天地
中。蒲柳拖常質。桃李開芳容。爭如十八公。笑傲冰
霜風。居然喜避世。不肯汗秦封。蟠如北海螭。伏如
南陽龍。紛紛過者多。匠石終不逢。明堂幾時構。喚
起蒼髯翁。

和淵明雜詩二首

本詩是四首不知何以合而為二

俗士苦紛競。此心本無塵。功名迺外物。了不關吾
身。吾身復何有形。神假相親。天地開一室。日月挾
兩鄰。有生即有化。如晏之必晨。但得酒中了。亦足
稱達人。揮戈欲却日。小力自不量。何如任天運。閉
門坐齋房。詩書列四隅。著我於中央。夏卧北窗風。
隆冬曝朝陽。但有藜藿羹。亦足克飢腸。

又

少爲飢所驅老爲病所迫人生能幾何東阡復南陌
急須沽酒來一笑舉太白浩歌草木振起舞天地
窄同歡二三子誰主復誰客浮沉大浪中畢竟
歸真宅歲月去何速老炎變新涼游子久不歸回
首望大梁風埃慘如此何處真吾鄉野菊明落日
林楓染飛霜勸我一杯酒悠然秋興長

和淵明始春懷田舍

家食自不惡菽水甘清貧學道未有得讀書亦良
勤雖勤竟何補俛首愧古人靜言閱世故來者日
月新况復抱沉疴百憂無一忻安得衛生訣益我
華池津况如一夢覺不與萬法鄰野人借問我恐
是劉遺民

和淵明飲酒韻

日入了公事援琴洗塵喧秋堂一燈明清響到夜
偏彈罷枕書卧渺然夢青山山英向我問君駕何
時還家僮忽喚覺惆悵不能言

臘日次幽居韻

世務方擾擾人生何營營
不如不出門坐頭天地
情泰中有否來陰極即陽生
掀髯一笑起窗外風
鐸鳴看雲偶獨立踏雪時閒行
最愛朝日升負暄
向南榮

歲除夕次東坡守歲韻

人生都百年誰問鬪龜蛇
容顏鏡中換老醜不可
遮殷勤守此歲來歲復如何
南鄰祭竈喧北里驅

儻譁須臾罷無爲但聽樓鼓搗
明朝四十過算景
真易斜初心自慷慨白首還蹉跎
寄語少年子雖
健不足誇

次韻別歲

一日復一日其來不肯遲
一冬復一春既去誰能
追問歲果安往惜不知津涯常於歲除夕
知是相
別時鄰翁慣禮餞買酒烹鮮肥
百挽不得留一別
那須悲年年例如此華髮吾何辭
惟有學道心自

覺老不衰

次韻餽歲

親朋餉無時。鄰里歡有佐。况當歲之終。可以具百
貨。禮意各示勤。手段不妨大。我貧無往還。閉戶但
高卧。藜羹且充腸。珍味不登坐。猶勝許文休。衣食
出馬磨。自非揚子雲。載酒何人過。空吟餽歲詩。自

歌還自和

清明即事用前韻

一度清明了一年。温風嫋嫋雨班班。幾家繡幃尋
芳去。何處塞驢馱醉還。宿草新墳驚世短。落花流水
占春閒。曉鶯啼破松窗夢。缺月東南挂屋山。

五月十四夜對月有感 與健

世事易隨雲變滅。人生難保月團圓。淮陽旅舍三
年夢。河朔風聲五月寒。何處雲山端可老。向來天
地為誰寬。宦游脚底生荆棘。蜀道而今却不難。

三平并過鄜城示伯玉知幾

三年兩度過潑陽鞍馬紅塵道路長花月不應知
我老溪山也解笑人忙朔風凜凜頻驚坐夜雨蕭
蕭偶對床他日水南營葬地愧無遺愛在桐鄉

次韻閒閒公夢歸

看間喜色幾時黃滿貯羈愁著瘦腸萬里鄉關飛
不到十年歧路走空忙盃心蘸月松梢影鼻觀通
風柏子香最愛南山舊山色夢中相覓不相忘

題閒閒公夢歸詩後用舛通韻

學道幾人知道味謀生底物是生涯莊周枕上非
真蝶樂廣杯中亦假蛇身後功名半張紙夜來鼓
次一池蛙夢間說夢重重夢家外忘家處處家

送儀提點西歸

自斲平生不問天拂衣歸去任吾年五侯鯖飽無
多味九老圖成又一傳回首京華瞻日遠放懷鄉
社得天全綸巾醉卧咸陽市始信人間有散仙

再賡

人定端能坐勝天，刀圭有力制頽年。道非出世頭
頭是丹，不遺經口口傳陰魄，沉迷終鬼錄。陽精飛
鍊即神全，三山縹緲誰能到。目下身安亦見仙。

次韵李公度

併有儲糧鬢有絲，蹉跎歲晚坐書癡。輞川画隱王
摩詰錦里詩窮杜拾遺，應舉尚陪新進士。主文半
是舊相知，春闈看決魚龍陣。未必尖錐勝鈍錐。

題無盡藏

梁斗南
所藏画

誰開天地祕密藏，今古人間用不窮。眼尾搖光千
丈月，耳根傳響一溪風。勝游未僻文章在高卧，燕
山氣象同二老。風流渺何許，後生猶可画圖中。

三弟手植瓢材且有詩予亦戲作

爲愛胡盧手自栽，弱條柔蔓漸縈回。素花飄後初
成實，碧蔭濃時可數枚。試問老禪藤繳去何如，游
子杖挑來早知瓠落終無用。只合江湖養不才。

次韵三弟贈南庵老人

一庵盤礴勝巢仙不入叢林恰是禪
 花圃蓮塘閒打景粥盂齋鉢老隨緣
 忘言已了八千偈適意更揮三兩絃
 邂逅我來推不去坐分一半好風煙

次韵劉少宣

旅窗蝶夢曉驚回默數流年祇自哀
 與世迂踈甘袖手及身强健且銜杯
 桐凋翠葉看看盡菊著黃花旋旋開
 杖屨南庵訪幽事秋光滿眼送詩來

酬李子遷

曾著朱衣侍冕旒忽乘羸馬出皇州
 青山有約攜琴往白髮無成把鏡羞
 却笑張儀誇舌在不妨巢父有詩留
 柳湖莎徑東南夢又見兒童逐細笑

過涪川次侯生君澤韵

誰能孤憤效韓非且喜玄微對鏡機
 出得山來無遠志寄將書去有當歸
 閒居已判平生了真賞從教舉世稀
 日咀道腴深有味更須口腹事甘肥

聞菴用少陵韻

唧唧不堪聞。村居更惱人。青衫傷久客。華髮念雙
親。歲暮那逢雨。秋宵未向晨。石心猶可轉。百感本
來真。

除夕用少陵韻

窗送迢迢漏。燈開艷艷花。正愁聞過雁。久客羨栖
鴉。放眼春猶好。驚心日又斜。一蓑江上雨。歸思浩
無涯。

猶疑作尤

即事

卧疾劉公幹。躬耕鄭子真。溪山番好客。天地許閒
人。花醉紅沾袖。松吟翠繞身。捫心無所歎。持此壽

吾親。

腹聯秀而味短沾袖繞身皆闕湊也

宋樓道中

十里羊腸路。詰盤過花穿。柳幾迴還馬。頭忽轉青
林角。綠繞人家水一灣。

過武丁廟

旱則為霖水則舟。若人端合夢中求。荆王枕上陽

臺雨板築英雄老死休
合夢中未供五神之也

戲荅侯威卿覓墨

萬松火厄化緇塵依舊徂
徠雪裏春冷劑香螺夔

一足破慳分與画眉人

宮中取張遇墨燒去膠以之画眉謂之画眉墨

北園直中

碧梧斜影落胡床白葛烏巾滿意涼
宴坐不知紅

小晚筵輿婦路麥花香

宋内翰九嘉

一十一首

八朝夏九嘉字飛卿夏津人黃裳榜進士乙科歷

藍田高陵扶風三水四縣令皆有能聲入

為右警巡使應奉翰林文字正大中病失

音廢居歿於癸巳之禍嘗有詩云浩歌風

露下醉袖拂南山又題壽安烟霞亭云粧

鑿土辟紅千點界畫銀沙綠一鈎其才藻

可畧見矣

途申書事三首
願餘歿於南將贈以麻卒

幼穉扶輪婦挽轅連顛翁媪抱諸孫飢民羸卒如
流水掘盡原頭野薺根

又鑿土輟孫千裡界畫幾少無一尚其木蕪
老穉扶攜訪熟鄉驛塵滿路殢相望終朝拾穗不
盈把只有流民如麥芒

又
攘絲奪麥人爭略烘日吹風天有年湯餅元非小
人腹蠶絲都作大夫賢如此何由不亂

館中納涼書事

涼洒塵纓曠耳醒虛堂窈渺好風清雀知愛子來
迴哺鼠不畏人笏午行每用熟眠酬閨寐端知固
有享高明宦遊非不佳官府奔走塵勞漫一生

東州有感
東城衰草沒黃沙故壘周遭小范衙牧豎那知真
老子龜趺繫馬卧吹笳無營平巨派出谷桑棗

美不搗金明砦作建除體
新並非嫌車函外

古人危坐猶今人之跪正襟危坐不可如此割裂且按墨何容作此狀

建牙誓諸將梟鳴軍盡驚除道非戰事銜枚幻奇
兵滿鎧霜日輝行陣寂無聲平旦飛出谷桑棗蔽
金明定知此陳迹中原遮寇城執鞭吾不及范公
凜如生破碑字仍在巖巖卧深荆危襟按其壘信
哉天下英成敗翻覆手狐兔今橫行收復會有時
夷吾當請纓開圖睨督亢按劍逐長鯨閉塞亦已
以一揮氛曠清
被檄從軍

不巾不襪柳陰行朝醉南村算北庄一旦捉將官
裏去直驅盲馬陣中央即所乘盲馬而言

晉別孫俊民姚公茂

草根殘日射離觴主席風生熱肺腸此去兜零紅
照夜輸君吹笛倚糟床

酴醿菊

酴醿風味醺人醉著莫東籬愛酒翁一夜金英全
換骨冷香晴雪滿秋風

蓮社圖

野鷺家雞俗好乖
虎溪泉石滿塵埃
壯哉砥柱頽

波裏惟有淵明挽不來
飛卿不喜佛法自言平生有三恨一恨佛老之說不出於孔氏前二恨辭學之士多好譯經潤文三恨大才而攻異端淵明挽不來之句蓋自况也

臘蟻初浮社甕
筭宿醒正渴卯時投醉鄉
兀兀陶

卯酒

陶裏底事形骸底事愁

雷御史淵二十九首異常不濟

淵字希顏別字季默同知北京路轉運使

事思之季子崇慶二年黃裳榜進士甲科

釋褐涇州錄事徐州觀察判官召為荆王

府文學兼記室叅軍轉應奉翰林文字同

知制誥兼國史院編脩官拜監察御史以

公事免用宰相羨擊卿薦除太學博士還

應奉終于翰林脩撰初在東平東平河朔

重兵處也驕將悍卒倚外寇為重自行臺

及古閣

本傳出巡郡邑
奸豪不法者立杖
殺之至蔡州杖殺
五百人時號曰雷
半千生此為人所
訟罷去

本傳淵底出諸
兄不齒父沒不能
安于家乃發憤
入太學衣敝履穿
坐榻無席自以
既露恒突坐讀
書不迎送賓客
人皆以為路其友
高衡每為辨直
賙恤焉後從李之
紀游遂知名

以下皆務為摩拊之希顏蒞官自律者甚
嚴出入軍中偃然不為屈不數月閭巷間
家有希顏画像雖大將亦不敢^以新進書生
遇之嘗為戶部高尚書所辟權遂平縣事
時年少氣銳擊豪右發姦伏一縣畏之稱
為神明及以御史巡行河南百姓相傳雷
御史至豪猾望風遁去正大庚寅倒廻谷
之後希顏上書破朝臣孤注之論引援深

切灼然易見而主兵者沮之榮為不行至
今以願望為當國者之恨希顏三歲喪父
七歲養於諸兄年十四五貧無以為資乃
以胄子入國學便能自樹立如成人不二
雲十游公卿間太學諸人莫敢與之齒渡河
後學益博文益奇名益重為人軀幹雄偉
髯張口哆顏渥丹眼如望羊遇不平則疾
惡之氣見於顏間或嚼齒大罵不休雖痛

工夫未極淘鍊
而意境開廣似
其為人

自摧折然粹亦不能變也生平慕田疇陳
元龍之為人而人亦以古人期之故雖以
文章見稱在希顏仍為餘事耳

雲卿父子有宛丘之行作二詩為餞

陽春到上林百卉紛白紅岸谷稍敷腴溪光亦冲

融獨有石間柏不落宋句鼓舞中期君如此木歲晚延

清風

又

漢庭議論學傾耳待歌向君家賢父子千載蔚相
望讀書二十年閉戶自師匠異端絀偏雜陳言刊
猥釀剛全百鍊餘氣出諸老上顏風正波靡去去
作隄障

自蘇賦無所得獨記其與屏山雲卿襟期所在者
非以為詩也

梁苑池塘生綠烟吹臺草色春芊芊故人幽扃閉

長眠氣槩英英猶眼前陽春無力蘇重泉孝子感
時涕泗漣匄匄埽埽淮陽阡微予贈別意拳拳我
自頑頓須人鑄安能視後輒子鞭姬情孔意星日
懸斡旋萬化中持權斯文興喪實關天尋常墨客
技藝然醫巫星曆相比肩何用雕琢空徂年即今
海縣謾腥膻獨挽洙泗可洗滌迺公有志屏山賢
二豪在日予牽連傷哉未售墳已顛老我欲種南
山田子之兄弟其周旋事業絕勝空言傳

同裕之欽叔分韻得莫論二字

幼安謝辟命子雲老寂莫趨嚮豈獨異時命非所
度我久困流離一屢求負郭雖無斬敵功尚舉力
田爵崧少啓吾封四履盡伊落有客來問津醉眼
入窠廓世事久閉眼終日只睡昏清風何處來佳
客已在門倒屣往從之玉色向我溫妻孥趣作具
歡喜傾瓶盆清夜襍被往共就遺山元嘲謔及俳
語發揮間微言懸斷漏天樞高嘯驚鄰垣昭合政

相和意到俄孤騫恨不倒困凜矧肯留籬樊弄孺
 獲珠玉披榛見蘭蓀我肱已三折醉隨偶全渾知
 無適俗酌量力任灌園二君清廟器巾冪華鬪尊
 蒼生望休息朝廷待崇尊出處既異途會合難預
 論此樂未易得此夕勿憚煩白酒舉初子黃雞溷
 諸孫水樂喧後部山鬟秀前軒一醉萬事休商聲
 滿乾坤

會善寺怪松

自謂

與論

二字

柄字剝

對巧然是
山谷體

物生自有常恠特物之病嗟嗟此老蒼恠恠生魁
 柄侏儒感髀股宿瘡攤腮頸蛇涎蚊龍戲騰擲驅
 肅競須髯喜張磔意氣怒狂迸匠石求棟楹節目
 足譏評芻蕘急薪樵堅悍空盻瞪靜言觀倚伏未
 易相弔慶雖違時世用願免斤斧橫陽秋莫榮悴
 歲月何究竟盤盤曲則全挺挺獨也正。小草悞埽
 迹伏神還守性儻隨天中景廣宇共寐暎

且華山中同裕之分韻送欽叔得埽字

洗耳潁川水。療飢西山薇。山川得佳客。草木生光輝。末路風教薄。此道日已微。相期千載事。非君誰

與歸無所有盤曲傾金碧。澗澗山五草新賦

長林九日登少室。絕頂同裕之分韻得蘿字

閒居愛重九。佳人重相過。登高酬節物。少室鬱嗟

峨。迤邐謝塵土。夷猶出煙蘿。欵如據鼇頭。萬壑俯

蜂窩。浩浩跨積風。瀾瀾渺長河。日車曷紅輪。天宇

凝蒼波。指點數齊州。始覺氛埃多。我無倚天劍。有

淡空滂沱。驚鱗盼奧渚。倦翼占危柯。悔不與家來

結茅老巖阿。婦途睠老阮。廣武意如何

月下同飛伯觀畦丁灌園得畦字

村居鄰老圃。喘汗憫夏畦。輓轡健晚涼。月輪轉天

蹊。剡剡金融溝。涓涓冰泮溪。黃萋漸蘇息。綠潤俄

淒迷。生意續夜氣。甘滋浹新萸。風露觸處香。河漢

望中低。野人無遠謀。且喜豐食鮭。雖愧下帷董。稍

悟養生稔。歸懷自浩然。流光挹平西。

二句是月下灌畦絕唱刻之生銀漢杜詩也

濟南珍珠泉

後半當有所指

大地萬寶藏。玄冥不敢私。拱開青玉罅。渾渾流珠
 璣。輕明疑夜光。潔白真摩尼。風吹忽脫串。日射俄
 生輝。有時如少靳。感涕却纍纍。風色媚一川。老蚌
 初未知。君看一日間。巧歷所不賫。遊人隨意滿。不
 畀乾沒兒。吾謂歷下城。繁華富瑰奇。貪夫死專利。
 帝意怜其癡。故露連城珍。可玩不可幾。若曰天壤
 間。所遇皆汝資。何必結皮帶骨秘篋笥。自貽伊瑕疵。詩成一

大笑臆說量天機

讀孔北海傳

漢室風流絕。建安老瞞父。子力排山可。怜魯國真
 男子也。着區區七子間。山自嶽而朴。

賦侯相公雲溪

相君襟度本汪洋。戲鑿陂池便渺茫。解起晴雲作
 霖雨。更邀明月貯清光。千重複嶺藏仙境。萬斛香
 泉釀醉鄉。畢竟麟符拋不得。烟波空效五湖蒼。

泉頭贈陳司諫正并賦不野賦如空安正賦養

洗兵有志挽天河補袞剛番諫諍坡賦出石腸還
婉麗政成鐵面却中和寒侵桃李淒無色雪壓池
塘慘不波急手尊前謀一醉六街塵土浣人多

泉下濟南汎舟水底見山有感而作

南山已在風塵外更恐飛埃浣碧巔一棹晚涼波
底看洛沂面目本天然

大梁洛陽同裕之欽并賦

日上煙花一片紅崧卽西峙洛川東纔聞候騎傳
青蓋又見牽羊出絳宮事去關河不橫草秋來陵
寢但飛蓬書生不奈興亡恨斗酒聊澆磊磊胸

五丈磬母石同裕之賦

千古崩崖一罅開強將神恠附郊謀無情頑石猶
胎謫貝錦從爲巷伯哀

贈答麻信之

并序

麻弟避兵渡河徑謁裕之

于崧高夤緣一見相與之意甚厚既留數日

不是詩家字面

又將過吾景玄于女凡之陰維元劉國士也
 而弟游於其間則弟之為人可知已臨行復
 誦長歌相贈清平豐融盖他日未易量也愛仰
 千古不足詩以送之
 五老英靈未陸沉一枝高秀出詞林珪璋自是清
 朝噐律呂偏諧治世音此去文章足知己後來功
 用只齋心濟時相約元劉了索我雲山深復深
 日工雪

風定雲仍暖天圍四顧低紛紛俄攬野浩浩欲平
 溪樵擔婦時重漁舟望處迷飢雅空繞樹若箇可
 安棲

宮鴉

萬樹瓊芳鎖漢宮群鴉容與五雲中曙光先背朝
 陽日春信頻呼禁籞風青鬢巧梳欣一色秀眉學
 画闌新工鳳樓未訝啼聲切愁滿長門信未通

詠石硯

緹囊深複有滄洲。丈石春融翠欲流。退筆成丘竟何益。乘時真欲礪吳鉤。

馬上見桃花三只不惡。然不必是馬上見也。餘學

九衢鞍馬苦塵腥。忽見溪桃倦意醒。未必施朱便

麤俗。最憐滌露出娉婷。城東詩老圖幽絕。水上仙

郎記窈冥。何似玉堂番故事。賣花檐上有丹青。

叔獻兄弟歸隱崧山有詩見及依韻奉寄

幾百敬通非棄官者千年一敬通。飄飄歸袂振孤風。平生自處神

賣花檐上看桂
李拍酒樓頭聽
管絃出歐陽公
歸田錄

明在衰俗無從議論。公韶箭向來儀彩鳳。弋繒何苦慕冥鴻。他年杖屨相尋處。三十六峯雲霧中。

劉御史雲卿挽詞二首都無情致

氣幹參天擬萬尋。聖門梁棟自堪任。勇冠岳岳鋒稜峻。鳧鳥翩翩惠愛深。可恣佳城玉埋土。最哀慈幄五雷襟。傳家賴有雙珠在。不爾何如慰士林。

壯壯又對不野主。萬浪一真西。風也。數。數。本。蘇。

少同里閨早知音。投分交情雨舊今。鄉校聯裾春

誦學上庠連榻夜論心南山松桂愁霜殞北地乾

坤恨日侵不得生芻躬一奠西風吹淚滿衣襟

對五題黃華江皋烟樹二首下兩句似想士林

疎柳靜茆亭亭下長江路不見亭中人蕭蕭烟景

暮年參天跡萬壽門四果林自出出多長岳岳

又

江山萬里眼一亭畧約之黃華未死在看取画中

詩在東谷無於蕭論公續濟向來對深風子臨可

精不送李執剛致仕歸洛

漕計中興屬老成引年陳請獨嶂嶸果能辦此公

真勇愛莫番之我愴情塵空恐驚黃鶴舉烟波不

負白鷗盟洛陽去去春如錦晝日神仙看地行

回首梨花得紅字風動

雪作肌膚玉作容不將妖艷嫁東風梅魂何物三

春在桃臉真成一笑空雨細無情添寂寞無情亦作淚痕

月明有意助豐融有意助亦作真態更相如病渴妨文賦想

像甘寒結小紅
春盡河山形勝圖
高峯巨壑與天連
中國關防表裏全
北岫塵氛重
回首不如圖上看風煙

次裕之韻兼及景玄弟書日
名勝相煥半成灰
戰退紛華旆始迴
文字喜逢脩
月手津梁愧乏濟
川材等閒有酒輒共醉
信口哦
詩不置才最憶平生劉子駿
紫芝可惜不偕來

愛詩李道人若愚崧陽歸隱圖
我家崧前凡再葺
詩僧騷客相追隨
春葩繽紛香
澗谷夏泉噴薄清
心脾霜林置酒曳錦障
雪嶺探
梅登玉螭重陽夜宿太平頂
天雞夜半鳴嗒咿
整冠東望見日出
金輪湧海光陸離
神州赤縣入指
頤風埃未靖空嗟歎
窮探極覽不知老
泉石佳處多番題
簡書駟出踏朝市
期會迫窄愁鞭笞
襟懷塵土少清夢
齒頰棘荆真白癡
叩門剝啄者誰子

卷之六

及古閣

經行句有閨鍵

道人面有熊豹姿披圖二室忽當眼貫珠編貝多
文辭我離山以詩筆退摹寫豈復能清奇并三要
索不忍拒依依但記經行時道人愛山復愛詩嗜
好成癖未易醫山中詩友莫相厭遠勝薰酣聲利
乾沒兒

李右司獻能二十首

金史趙秉文傳自
泰和大安以來科
舉之文其弊益甚
有司惟守格法所
取之人卑陋陳腐
苟合程度而已
稍涉奇峭即遭

獻能字欽叔河中人年二十一以省元賜
第廷試第一人宏詞優等授應奉翰林文

黜落於是文風
大衰貞祐初秉
文為省試獻能
賦雖格律稍疎
而詞藻頗麗擢
為第一舉人大噪
以壞文體想臺
省俄而獻能復中
宏詞入翰林而秉
文竟以是為罪

字在翰苑凡十年出為鄜州觀察判官用
薦者復應奉俄遷脩撰以鎮南軍節度副
使充河中經歷正大八年河中陷獨得一
船走陝州被召以道梗不能赴就權陝府
行省左右司郎中軍變遇禍欽叔資稟明
敏博聞強記輩流中少見其比為人誠實
樂易洞見肺腑世間狡獪變詐纖悉無不
知然羞之世不道也與人交不立崖岸盃

酒相然諾赴難解紛不自顧惜雖小書生
以愛兄之道來亦殷勤接納傾筐倒庋無
復餘地時輩以此歸之家故饒財盡於貞
祐之亂京師冷官食貧口衆無以自資太
夫人素豪侈厚於自奉小不如意則有金
魚墮地之譴人視之殆不堪其憂而欽叔
處之自若也欽叔文章行業過人處甚多
而天下獨以其純孝為不可及云

贈王飛伯雜言一首

東風吹客衣敗絮逐風飛曉雪沒寒薺無物克朝
飢空篋嘖嘖號飢鼠饕蝨蠕蠕緣破袴人生豈是
犬與雞終歲區區守門戶游說萬乘苦不早儀秦
殆是穿窬盜六國印千金車滿眼榮華鏡中老孔
子聘列國孟軻游齊梁能令千載後名與日月光
男兒生世不虛生死恨身後無聲名不然鳴玉遊
紫京不然著書談六經九日可射天可補鞭笞百

蠻作降虜離騷一篇亦不惡
 雄筆盤盤映千古君不見
 彩鳳翔丹霄一鳴應九韶
 寸雲起泰山霖雨滿人間
 丈夫窮達果在天安用兒
 女得志相歎羨失志相悲
 憐仰天大笑出門去四海
 今誰魯仲連
 倚天青壁截雲霞一水高
 懸界削瓜不惜玲竚禁石
 磴要看絢爛圻雲華玉峰
 影裏虛皇閣鐵笛聲中祕
 監家明日川塗入塵土却
 應平地幾衰斜

玉華谷同希顏裕之分韻得秋字
 玉龍落峽噴飛流空翠霏
 霏晚不收軟脚山堂一
 壺酒算涼閒對兩峯秋

四皓圖

弋繒安足致冥鴻自是兼
 懷翊贊功謾說壺關有
 遺老望思臺上已秋風

二老雪行圖二首

自笑膠膠擾擾身十年
 匹馬走紅塵何時雪滿平

生履太華峰前約故人
又去靈台圖二首

又去靈台圖二首

抱琴衝雪又衝風
二老風流阿睹中
未似村翁眇
抹眼火爐頭
上話年豐
無動
阿贊
以對
蒼生
盡開
林

別馮駕之

東風弄微寒
吹雪作輕陰
春歸未得歸
愁攬客子
心與君俱異
縣那復重分襟
感時復恨別
老懷苦
難任
憶昨
滎陽會
燈火語
夜深
縱談閒
俳語
浩歌

雜狂吟
相期梁宋游
感君肯相尋
西園偶差池
市樓成孤斟
相逢洧水濱
暫爾成盍簪
燕鴻還別去
又復如商參
我行落日邊
匹馬獨登臨
君方無定在
倦翼思茂林
人堪幾回別
老境各駸駸
洧水不西流
雙魚定沉沉
幸有西飛鴻
無吝金玉音

昆陽元夜南寺小集

春皋短短生蘭芽
東風嫋嫋吹芳華
暗黃着柳小
梅素月姊新年恰
十五東皇太一來
翩翩竹宮神

光祀甘泉茂陵弓劍沒秋草鳳燈煌煌空自然當年曼衍魚龍舞回頭昭陽化飛土昆陽客舍冷于冰破殿蕭條佛燈古雪消梁苑想春紅車如流水馬游龍銀瓶載酒隨春風酒酣一嚼百杯空韶華過眼弦上箭人生得酒從歡醺北斗闌干夜叅半耿耿疎星淡河漢

追憶潁亭汎舟寄陽翟諸友

十月冬氣寒清霜殞群木輕舟汎潁水微風吹野

眼信流不知還石艇橫老玉苔花錦爛斑懸滯珠麗殺頗離塵市雜倒瀉軒裳俗歲月今幾何春草萋以綠懷歸劇飢渴仰羨雙飛鵠矯首九山雲迢迢傷遠目

郊城秋夜懷李仁卿

日入群動息暝色陰濛濛故人隔潁水娟娟生秋風輕風捲纖雲碧漢磨青銅坐久襟袖涼皎月升天東伊人如此月霽色羅心胸可望不可親倏已

駕飛鴻念此太虛間
 心交神自通而况千里月相
 望寧不同孤光透薄帷儼如接音容
 翻翻繞枝鶻唧唧侵堦蛩
 上床轉不寐高樓待晨鍾
 相思夜何永月落秋床空

題飛伯詩囊飛伯以布為囊采當世名卿詩

投其中

穎露毛錐祇自賢
 智如樗腹但求全
 迂疎差似淵才富
 羞澀猶無杜老錢
 收拾珠璣三萬斛
 貯儲風

月一千篇嘔心大勝奚奴錦
 要與風人被管絃

送王飛伯歸陽翟

故舊相望似曉星
 平生懷抱向君傾
 朱絲不入箏箏耳彩鳳終儀韶
 漢聲三楚迢迢動離思
 九山落
 落助高情一屢掇
 就隆中卧要子同躬
 壠上畊

西園春日

的樂冰梢出短墻
 泓澄暖綠靜橫塘
 娟娟高竹迎人翠
 孌孌長紅隔水香
 病起心情踈酒醖
 朝來風

色妬年芳只應歸去芸窗晚夢到湘妃錦瑟傷人

滎陽古城登覽寄裕之

突兀高臺上古城登臨人境兩崢嶸關河落日歲
云算草木臨風氣未平虎擲龍拳王伯事天荒地
老古今情一盃欲洗興亡恨為喚窮途阮步兵

從獵口號四首

蓮燭金紗簇簇齊宮槐籠曉尚淒迷景陽鍾罷聽
殘漏萬馬銜霜不敢嘶

閶闔傳符啓九關一聲清蹕駐南山虎賁先導三
千士天馬初離十二閑

爛爛龍旂捧日旂從臣遙認赭紅衣天王清曉親
狐矢初合今冬第一圍

又

的礫金鐙隨曉星晴天霹靂應弦聲風毛雨血燕

雲在未要草間狐兔驚
靈靈靈靈靈靈靈靈靈靈

上清宮梅同座主閒閒公賦
語不親切

猷住盧家白玉堂琳宮瀟灑占年芳
光生琪樹風

霜古影占銀潢月露涼物外根株本仙種
世間紅

紫避嚴粧遨頭詞伯今何遜一笑詩成字字香

十士丹陽觀竹宮中移賜

素士如林侍紫清紫清新許住蓬瀛
娟娟粉節霜

勻出蠹蠹煙梢玉削成福地根莖蒙化育
中天雨

露借恩榮綠章封事朝來奏又聽風前彩鳳鳴

王右司渥一十一首

渥字仲澤以字行興定二年進士調管州

司候不赴壽州防禦使邦獻商州防禦使

國器武勝節度庭玉愛其才連辟三府經

歷官在軍中凡十年舉寧陵令未赴丁太

夫人憂廬墓三年服除復授寧陵正大七年

朝廷與宋人議和擇可為行人者仲澤以

金史交聘志正大
七年揚州制置趙
善湘遣黃謨詣
京師約和朝廷以
寧陵令王溫往
議凡再往約竟
不成
仲澤以兵敗歿于
陣見金史內族
思烈傳

才選凡再至揚州制司宋人愛其才有中
州豪士之目使還以寧陵課最遷一官入
爲尚書省掾三月即授太學助教充樞密
院經歷官八年院廢權右司郎中中牟失
利不知所終仲澤博通經史有文采善談
論工書法妙于琴事詩其專門之學人物
楚楚若素宦于朝吏事則與冀京又相上
下其辯博又屏山所許天下談士三人之

一也嘗與予行內鄉山中馬上賦詩云霜
風十月餘千山錦崢嶸又九日登潁亭見
寄云茫茫襄城野歲晏多風埃野田半已
荒草蟲鳴更哀西風吹白雲大隗安在哉
七聖之所迷而我胡爲來我本林野人初
無經世材失身鞍馬間坐令雙鬢摧安得
元紫芝共舉重陽杯詩成西北望九山鬱
崔嵬此詩脫遺處不復能記憶讀之尚可

以見斯人胸懷之髣髴

仲澤頴上詩不

無營却似高是處青山可埋骨誰家白酒

不消憂夕陽轉屋

因林影急雨壞橋喧水

頴亭

傳之 聲人喜 林大良詩

三載西湖阻勝遊 頴亭聊喜散羈愁 九山西絡煙

霞去一水南吞澗壑流 賓主唱酬空翠琰 干戈橫

絕自滄洲 忽忽匹馬從軍去 慙愧烟波萬里鷗

有寄

十年鐵馬暗京華 客子飄零處處家 征雁久疎河

朔信小梅重見汝 南北花棲棲活計依 簷雀

年年光赴壑 蛇舊雨故人應念我不來 聯句夜煎茶

寄京父

憶昔相從在寢丘 城南城北縱歡遊 杏花聯句香

隨馬野水添杯浪 拍舟邂逅又成三月別 飄零合

負一春愁 汝陽淮甸經行徧 應有新詩為我留

餐秀軒

秋風幾日搖霜樾秋色南山兩奇絕野人窗戶終
 日開要看千秋秦嶺雪層崖深谷相吐吞落日白
 鹿東南奔野花雙堦古蘭若樓觀縹緲烟霞昏玉
 山生玉人不識草木四時空好色朝川舊與藍橋
 通細水至今流石室一川黃葉長安秋望望不見
 令人愁書生不是濟時具收得閒身成此遊至人
 開筵番客醉山雨多情濕征袂明朝騎馬上七盤
 回首山家但空翠

遊藍田 哀宗正大元年十月十日

甲申之秋月建成我行商顏正落木山英似與行
 子期撥霧披雲到山腹古潭千丈照錦峰下有鰲
 龍上棲鶴高風吹雪已多時熊耳雙尖寒欲縮新
 乘一水出龍湫驚見千峰遮木榭南山秀拔北山
 雄劍戟森然對群玉崎嶇直過藍田西始見商山
 真面目悟真峽口忽中斷天末脩眉画濃綠此峽
 何年得此名曾有金仙構華屋西巖石室懸細水

萬斛瓊珠輸輞谷行人尚說有七盤瘦馬已愁疲
 百曲風門放眼望秦川擾擾更嗟塵界弱去年游
 騎渡葭蘆萬里橫行如鬼速灞陵原下馬飲血太
 華峰頭虎擇肉今年九月未防秋始見登場有新
 穀一鞭算指古招提疎雨有情留客宿主人聞客
 喜相接尊酒笑談如昔夙寒予懶散本真性臨水
 登山此生足一行作吏志益違十載從軍雙鬢禿
 官家後日鑄五兵便擬買牛畊白鹿

送裕之還嵩山

高懷不受簿書侵清潁鷗盟欲重尋老去宦情知
 我薄閒來道念見君深對床夜雨他年夢滿馬西
 風此日心嵩頂勝游誰得共仙間仙馭待知音

用古仙人詩語

古仙人辭今附于此

夢入雲山宮闕幽鶯鶯同侶鴛鳳流桂月竟夜
 光不收世俗擾擾成囂湫醉飛星馭鞭金虬八

詩六似季默
 所作田疇陳元
 龍其平生慕效
 者也

仙浪迹追真游龜玉筌蹄二十秋摩霄注壑須

人求覓劍如或笑刺舟陽燧非無角綺儔元鼎

以來虛崑丘東井徒勞冠帶脩松食竹飲度蜃

樓崧頂坐嘯垂直鈎祗應慙愧劉幽州

知音者無惜雷

跡興定庚辰夏六月望予與元好問趙郡李

獻能同游玉華谷又將歷崧前諸刹回憩

於少姨廟元周行廊廡得古仙人詞於壁

間然其首章直屋漏雨爲所漫剝殆不可

辨乃磴木石而上拂拭汎滌迫視者久之

始可完讀觀其體則柏梁事則終始二漢

字畫在鍾王之間東井又元鼎所都幽州

必賢宗子虞也夫眷眷不忘幽州者非吾

田疇尚誰歟田復所事之讎却曹瞞之賞

衰俗波蕩中挺挺有烈丈夫風氣其死而

不忘蓋無疑其能道此語亦無疑觀者不

應以文體古今之變而疑仙語也噫仙山

靈岳宜有閔衍博大之真人往來乎其間
 而世人莫之識也予三人者乃今見之夫
 豈偶然哉再拜留跡以附知音者未渾源
 雷淵題此詩為仙語無疑然直謂田疇則
 似亦未安屏山李純甫題

遊丹霞下院同裕之鼎玉分得留字
 霜落豐山白水收歲華全在竹園頭賦詩鞍馬慙
 真賞載酒林泉阻勝游野色自隨人意遠夕陽應

為鳥聲留仙源回首旌旗隔一笛西風喚客愁

丹霞

下寺土人以竹園頭名之

曾車驛口橋看白蓮

陰陰喬木障晴暉的的冰藻照碧漪秋暑困人仍
 御扇晚風生竹却添衣百年蓬鬢關心切千里蓴
 羹與願違杖屨頻來約他日不妨先築釣漁磯

蒙城縣齋

穀雨連朝沒麥場官糧未入長官忙堦庭有雨青

鞋開牢戶無人白日長
未入長官中
謝表有兩青

三門津

層崖摩蒼穹四月號陰風
大河三門險神禹萬世
功他山亦崔嵬砥柱獨尊
雄雷霆日鬪擊悍暴愁
天公劉侯智有餘始令舟楫通
仍餘石上穴飛棧
曾連空遙瞻白玉枝
挺植丹竈中仙公去不返此
事真冥蒙夫人與鼓崖怪幻
尤難窮獨喜兵火餘
巋然出新宮當時疏鑿意
四海要會同誰知千歲

後築壘防嘯克詩成一大笑
浩浩洪波東

被檄再至揚州制司驛亭有題詩
譏予和事

不成者云來往二年無一事
青山也解笑行

人因爲解嘲

二年奔走道途間
知被青山笑往還
只向江南南岸
老行人應更笑青山

冀都事禹錫二首

禹錫字京父龍山人崇慶二年進士調沈

丘簿與縣令者不相能及令以賊敗疑京
冀猶又發之乃賂遺權貴誣京又以賓客依託
之事坐廢十年朝臣薦其才者積數十人
終爲銓曹所礙居襄邑部使者起之攝旁
近諸縣所至有父母之愛農司治許昌又
爲主事區處餽餉上下千餘里不露聲迹
而條畫次第皆具雖鱗雜米鹽若不足經
意者問之即應如指諸掌一時吏如康伯

祿李欽止諸人多自以爲不及也正大中
當路諸公極力辨其被誣乃得以常調守
扶風丞召補省掾不就歸德奏充知事及
城被攻京又爲經厯官守禦之策一府倚
重之車駕至授左右司都事兼應奉翰林
文字官奴之變家人勸京又羸服免禍不
從人有自外至者京又問賊入禁中否曰
禁中賊滿矣乃自投水中在京師時希顏

哀宗改元正大其六年為辛卯明年改元天興
 五人者其三死于兵遺山為鶴立奉表則不如希顏前死為幸人矣生亂世而戀二官非罹崑岡之餘能則宛轉求生于盜賊異類之手晚節末路愧恨至無

地可容豈不悲哉

金亡于甲午遺山時年四十五歲

仲澤欽叔京父相得甚歡升堂拜親有昆弟之義而不肖徒以文字之故得幸諸公間希長予六歲澤長四歲欽與京少予二歲希沒于正大辛卯之八月年四十八澤沒于明年之七月年四十七欽沒於其年十一月年四十一歲京沒於又明年之三月年四十二蓋不二三年而五人者惟不肖在耳今日錄諸君子詩感念平昔不覺

流涕之被面也

僧房

上方樓觀袂衣寒霜後川原眼界寬我是禪房未
 歸客阿師休作長官看

贈雷御史兼及松庵馮丈

平生疾惡如風手力振臺綱事所難人道千鈞羞
 射鼠我怜衆煦解漂山明時士論知無負晚歲交
 盟豈易寒見說嵩前茹芝老白雲倚杖待君還

聖